



*Senin, 6 Juni 2022*

**Ogen: Imamat 23:15-23**



**Wari Pelimapuluhken**



Pentakosta ertina wari pelimapuluhken (hari ke lima puluh). I bas gereja si peringeti wari nusurna Kesah si Badia, man kerina kalak si tek man Jesus si enggo keke ras si enggo nangkih ku Surga. Kesah si Badia e si mereken semangat ras gegeh man kalak si tek nggeluh bujur digen mehuli. Kesah si Badia e pe mereken kengasupen man kalak si tek nampati si musil ras si la megegeh, pertandang dengen anak melumang, si lit ipenjara ras si la lit sima-simana. Ertina Kesah si Badia e mabai kita ermediate ku sekelewetta. Semangat encidahken kekelengen.

I bas padan si ndekah pe Pentakosta enda enggo me irayaken. Kenca bangsa Israel tading i taneh Kanaan, taneh si ipadanken Tuhan man bana, lit aturen si arus idalanken bangsa e guna kiniraturen geluh perpulungen. Aturen e e me, erbahan perayan wari pelimapuluhken, sada wari kenca lepas wari sabbat si pepituken. Wari sabbat e wari pe pituken. 7 kali wari sabbat ertina wari pe empatpuluhsiwahken tambah 1. Em wari pelimapuluhken. Enda mulai ikira kenca wari Paskah si irayaken kalak Israel, wari bebasna bangsa e i abs taneh perbudaken nari.

I bas wari pelimapuluhken e, teptep keluarga maba dua ngkibul roti si ipersebakhenna man Tuhan. Tambah si e ipersebakhen pe pitu anak biri-biri umur sada tahun, pitu jenggi lembu, dua kambing si la erpandangan. Lit kal persebakhen perngalemi dosa ras persebakhen persadan. Kerina e ibaba ku bas rumah pertoton. Janah si enda tetap ilakoken i japa pe bangsa e tading. Persebakhen persadan e ertina lit kawitenta sada ras sidebanna. Lit i je hubungan kekelengen. Adi iperanindu jumandu, ola perani si arah duru janah gandum si tading olanai ulihi mperanisa. Tadingken man kalak musil bage pe man kalak pertandang. Jiwa Pentakosta e e me lit kekelengen man Tuhan ras kekelengen man teman manusia.

*Kekelengen e jadi orat geluh kalak si tek.*